

scolasta	«Natalia, per damaun scrivas ti 30 ga il plaid 'Vus' en tiu carnet!»
Natalia	«Daco?»
scolasta	«Perquei che ti stos emprender da dir 'Vus' a mi.»
L'auter di:	
scolasta	«Daco has ti scret 40 ga 'Vus'?»
Natalia	«Jeu level far in plascher a ti.»

scolasta	«Gion, dormas ti?»
Gion	«Hmmm ... Tgei?»
scolasta	«Jeu creiel buc che la stanza da scola seigi il dretg liug per durmir.»
Gion	«Bein, bein, quei va schon, Vus stueis mo tschintschar in tec pli da bass.»

mumma	«Marc, neu e muossa tiu attestat!»
Marc	«Quei va buc.»
mumma	«Daco buc?»
Marc	«Jeu hai dau el a Moreno.»
mumma	«Daco pomai?»
Marc	«El leva far tema a siu bab.»

Al telefon:	
scolasta	«Vies fegl ha detg manzegas oz duront scola.»
dunna	«Quei sa buc esser!»
scolasta	«Bein, propi!»
dunna	«Lu eis el propi in bien manzaser. Jeu hai numnadamein negins affons.»

Lara	«Nies scolast ei tups!»
mumma	«Daco manegias, Lara?»
Lara	«El sa gnanc co in cavagl vesa ora!»
mumma	«Ti surfas segir.»
Lara	«Na, oz hai jeu malegiau in cavagl ed el ha buc saviu tgei che quei seigi.»

vischina	«Hallo Jonas! Stuesses ti buc esser en scola?»
Jonas	«Bein.»
vischina	«Tgei fas ti lu aunc a casa?»
Jonas	«Jeu sun malsauns.»
vischina	«O, jeu stun mal. E co vai cun tei?»
Jonas	«Prima! Jeu sun malsauns.»

scolasta	«Livian, ti has quater francs e damondas aunc tia sora per treis francs. Cons francs has ti lu?»
Livian	«Quater francs.»
scolasta	«Oh na! Sas ti aunc adina buc quintar?»
Livian	«Bein, aber Vus enconuschis buc mia sora!»

scolasta	«Elia, tgei has puspei fatg?»
Elia	«Nuot!»
scolasta	«Gie, gie, quei dian tuts!»
Elia	«Veseis, sche tuts dian quei, sto quei bein constar!»

fegl	«Mumma, mumma, jeu vi buc pli ir a scola. Bunamein tut ils students mudregian mei.»
mumma	«Mo ti stos ir a scola. Dat gnanc discussiun.»
fegl	«Daco?»
mumma	«Perquei che ti eis il directur.»
Selina	«Bab, mavas ti pli baul era mintga di a scola?»
bab	«Gie, clar.»
Selina	«E ti has mai muncau?»
bab	«Na, jeu hai muncau buc in soli di!»
Selina	«Vesas mumma, quei ha era gidau nuot!»
scolasta	«Andri, con dat otg ed aunc quater?»
Andri	«Dudisch.»
scolasta	«Super! E co has eis ti vegnius sin quei resultat?»
Andri	«Quei ei stau sempel. Jeu hai quintau 500 - 488.»